

Siunnersuut uunga:**Kalaallit Nunaannut suliffissarsiortut killilersimaarnissaat pillugu Inatsisartut
inatsisaannik allannguineq pillugu Inatsisartut inatsisaat**

(Immikkut ittumik Kalaallit Nunaannut attuumassutilittut isigineqalernissamut tunngatillugu piumasaqaatinik allannguineq)

§ 1

Kalaallit Nunaannut suliffissarsiortut killilersimaarnissaat pillugu Inatsisartut inatsisaanni nr. 27, 30. oktober 1992-imeersumi, Inatsisartut inatsisaat nr. 27, 9. december 2015-imeersukkut, Inatsisartut inatsisaat nr. 23, 28. november 2016-imeersukkut aamma Inatsisartut inatsisaat nr. 22, 13. november 2017-imeersukkut allanngortinneqartoq, tulluuttut allannguutigineqassapput:

1. § 4 ima oqaasertaqassaaq:

” § 4. Atorfinitsitsinermi inuk immikkut ittumik Kalaallit Nunaannut attuumassuteqartutut isigineqassaaq, pineqartoq

1) ukiut qulit kingulliit ingerlaneranni sivikinnerpaamik ukiuni arfineq-marlunni Kalaallit Nunaanni najugaqavissimaguni, imaluunniit

2) inummut § 3 imm. 1-imi ilaatinneqartumut imaluunniit immikkut ittumik Kalaallit Nunaannut attuumassutilimmu, tak. immikkoortumi matumani nr. 1 imaluunniit immikkoortoq 4, katissimaguni imaluunniit sivikinnerpaamik ukiumik ataatsimik inooqateqarsimanermik uppersaasinnaaguni.

Imm. 2. Atorfinitsitsinerni inuk immikkut ittumik Kalaallit Nunaannut attuumassuteqartutut ilanngullugu isigineqassaaq, pineqartoq inummut Kalaallit Nunaanni akissarsiaqarfiusumik atorfeqartumut aamma atorfinitsitsinerni § 2, imm. 1-2-nut imaluunniit atorfinitsitsinerni § 2, imm. 4 naapertorlugit ilaatinneqanngitsunut, katissimaguni imaluunniit sivikinnerpaamik ukiumik ataatsimik inooqateqarsimanermik uppersaasinnaaguni.

Imm. 3. Imm. 1, nr. 1 malillugu Kalaallit Nunaanni najugaqavinnermut ilaatinneqassaaq Kalaallit Nunaata avataani ilinniarluni najugaqarneq aamma pineqartup ilinniarnep aallartinnerani najugaqarnissamut piumasaqaatit kalaallinut ilinniarnersiuteqarnissamut piumasarineqartartut eqqortippagit.

Imm. 4. Naalakkersuisut atorfinitsitsinermi pissutinik imm. 1-3-ni taaneqartunit allaanerunissamik pissuteqarluni inuk immikkut ittumik Kalaallit Nunaannut attuumassuteqartutut isigineqassanersoq aalajangersaaffigisinnaavaat.”

§ 2

Inatsisartut inatsisaat ulloq 1. januar 2025-mi atuutilerpoq.

Imm. 2. Inuit, inatsisip atuutilernissaa sioqqullugu kommunimiit akuersissuteqarnatik atorfeqartut, tak. maannamut atuuttoq § 4, imm. 1, nr. 2, atorfimmi § 2, imm. 1-2-ni ilaatinneqartuni imaluunniit atorfinitsitsinerni § 2, imm. 4 naapertorlugu

aalajangersarneqartuni, kommunimiit akuersissuteqarnatik atorfik attatiinnarsinnaavaat.

Namminersorlutik Oqartussat, ulloq xx xxx 2024

Naalakkersuisut Siulittaasuat